

HEADLINES (MORNING)

Date – 13/11/2024

Time - 7:30 -7:40Hrs

- Tun hnaia Assam chhunga rel kawng siam hnathawh mek avang leh Hindu-te kutpui avangin Mizorama mamawh tuialhthei leh bungraw thenkhat lakluh khaihlak hlek chuan ziaawm a pan chho tan.
- Eptu Party ten ZPM sorkarin hmasawna hminga hmalakna a kalpui tumnaah Mizote tan chanvo a awm si loh chuan awmze neilo a ni an ti.
- Tukin dar 7 atang khan Jharkhand Assembly inthlan thawhkhathna atan Assembly bial 43-ah vote thlak a ni
- Union Home Ministry chuan hmeichhe hlang awmna tur CISF battalion dinna tur a pawm.

<><><>

**POL**

Tun hnaia Assam chhunga rel kawng siam hnathawh mek avang leh Hindu-te kutpui avangin Mizorama mamawh tuialhthei leh nitin mamawh thenkhat lakluh a khaihlak hlek a,

Akashvani Aizawl Correspondent-in Aizawl leh a chhehvela Filling station thenkhat a tlawh kualnaah petrol leh diesel a thleng mek a, hun reilote chhung khaihlak hret hnuah petrol leh diesel pekchhuah tur pawh a awm tan leh a, petrol pump manager te chuan Badarpur leh Lumding inkar rel kawng thawm that hna thawh a nih avang te leh Hindu-te kutpui vuakvetah tuialhthei phur lirthei-te duh ang a an veivah chak theih loh avanga supply khaihlak hret a nih thu an sawi a, hun reilote-ah an dinhmun a pangngai leh vat an beisei thu sawiin mipuite tan chiaina tur engmah a awmlo tih Akashvani Correspondent-an hrilh a ni.

Treasury Square-a Mizofed Manager Pu Rohimlana thusawi lo ngaithla ang.

<><><>

**CM**

Chief Minister Pu Lalduhoma chuan a bial Serchhipa Shalom Spastic Society te enkawl Rualbanlote school, Shalom Special School chu school bus thar nimin khan a pe a.

School tuala bus hlanna a neih zawhah a lawmna inkhawm tawi New Serchhip YMA Hall-ah neihzui a ni a. Shalom Spastic Society Chairman Vanlalchhungan a kaihhruai a ni.

Thusawiin Chief Minister chuan, sawrkarin rualbanlote zirna lama ngaihtuahna a sen mek thu a sawi a, an tana insengso a, theihtawp chhuah thin mi tam tak an awm chu Mizoram vanneihna a ni a ti a. Shalom Special School building thlenga saksaktu 19 Assam Rifles te chungah lawmthu a sawi a ni. Bus thar pawh chu sawrkar sum engmah seng lovin, rualbanlote hmangaihtu, an mamawhzia hriaa, a thianten an thawhkhawm atanga an lei a ni a, a hming a tum ve ringawt mai a ni, a ti.

He school hi kum 2005 a mi thahnemngaite din a ni a, an school building hi Assam Rifles ten kum 2011 khan an saksak a, eiin tur thilte an pe zui reng thin. Zirtirtu pathumten hlawh nei lovin zirtir hna an thawk mek a, zirlai naupang 32 an nei mek.

<><><>

## ZPM PRIVATISATION

Eptu Party ten ZPM sorkarin hmasawna hminga hmalakna a kalpui tumnaah Mizote tan chanvo a awm si loh chuan awmze neilo a ni an ti.

Tourism Minister hlui, Pu Robert Romawia Royte chuan Chaltlang Tourist Lodge five star-a hlangkai tura hmalaknaah hnamdang te nena indawrnaah fimkhur ngai a tam a ti a, Tourism Minister hian ZMC Central sorkara pek leh chumi hnua ZMC Special Package a puan ang maia a tak engmah a awm hmaa puangzar a ni leh mai ang tih a hlauhawm a ni a ti a, Sumdawng pawl kuta thil dah chintawk hriat a tul hle a ni a ti a, Mizorama rohlute Mizo mipuite ta nilova hnamdang ta a nihzel chuan Mizote zahawmna a hloh theih a ni a ti bawk.

MPCC General Secretary Pu Lalbiakzama chuan sorkar enkawl hmunhma leh kut te thlengin a kalpui chungchangah uluk taka thil a ngaihtuah a tul tih a sawi a, Mizoram sorkar chuan mipui mamawh leh sumdawna a thliar thiam a ngai ni a a hriat thu sawiin Lengpui Airport midang kut a sorkarin hlan chhawn a tum ni ang a sawi chu thil tih chi a nih loh thu leh Airport chu mipuite mamawh sumdawna a nih loh ang a hum hram hram a pawimawh thu a sawi a. Tourism Minister-in Chaltlang Tourist lodge five star hotel-a siam a tum chungchang pawh sawiin mimal kut a hlan a nih dawn pawhin Mizoram sorkar chuan hnam dang leh Mizoram pawn lama company-te kut a hlan mai lova Mizo thalai a ngaihna hria tam tak te intelkhawm tir a anni kut a hlan chu Mizoram tan a thil tha a nih thu a sawi.

Pu Lalbiakzama chuan Tourism Minister Pi Lalrinpuiin Reiek a neih thin Anthurium festival ai a chhim lama kutpui neih a rawt pawh Mizoram pawn atanga khualzin rawn chhim an tam phah leh phah lo en zui tura an party chuan a duh thu sawiin Mizo ten a kutpui an lawm thin chu Mizo taka lawm a ngaih thu leh chu chuan ramchhung mai nilo khawvel hman dang atanga khualzinte a hip theih tur thu a sawi bawk.

PC Party President Pu Vanlalruata chuan Mizoram sorkar sum leh pai dinhmun chhiat dan chu mipui nawlpui pawhin a an hriat phak loh hial a ni, a ti a. Pu Vanlalruata chuan Mizoram sorkar budget atanga chhuta zaa 80 chu sorkar hnathawk hlauh leh inrelbawlina ah a kal ral avangin, privatisation chu Mizoram mamawh leh anmahni tiama political party zawng zawngten an aupui thin a nih thu a sawi a, amaherawh chu hemi kawngah hian ngaihtuahna thui tak neih a tul sawiin privatise theih leh theih loh thil a awm thu a sawi.

Lengpui Airport mimal kut a hlan tumna awm chu thil tih chi a nih loh leh Air Force kut a hlan phei chu Mizo mipuite tan a harsatna siamtu leh mipuite tan hrehawmna thlentu a nih tur thu a sawi.

Mizoram sorakrin Chaltlang Tourist Lodge Five Star Hotel a siam a tum chungchang pawh sawiin Pu Vanlalruata chuan hnamdang kuta hlan chu an party-in tha an tih loh thu leh Mizoram leilung faten hmasawna awm tho si in chanvo an neih loh a hlauhawm a ti a, hmasawna chu thil tha nih rualin Mizote tan chanvo a awm si loh chuan awmze neilo a ni a ti.

Mizoram sorkarin Mizote kut a lawm thin mimal huaihawttir a tum chungchang pawh sawiin hnam kalphung mil lova a changkang ni a hriat dan a kalpui chuan khualzinte a hip phah loh thu leh Mizoram chhunga Mizote bawkin kut an chhim thin thu a sawi a, Mizote pawisa tho heng kut a a luh thin avangin Mizoram chuan hlawkna a neih loh thu a sawi bawk.



## CYMA

Manipur leh Assam inrina lai, Manipur Jiribam-a CRPF ten mi 10 an kahhlum te ruang chu Mizoram kaltlangin an khua Lamka, Manipur-ah phurh a ni dawn a, ruang te hi vawiina

Aizawl an lo thlen hunah Central YMA chuan AMC Office kawt, Thuampuih lo hmuah a tum a. Ruang hmuahnaah hian a duh apiang lo tel turin kan sawm tih an sawi a ni.

Jiribam Dist Zairawn khuaa Zosangkim Hmar (31) nasa taka sawisak anih hnua, rawng taka thah a nih chungchang hi Mizorama political Party leh tlawmngai pawl leh pawl dang ten nasa taka an dem thu an sawi a, MZP chuan tunlai khawvelah hetiang thil thleng hriattur a awm hi, ngaihtuahna nei lo, ran ang maia khawsaknaah a ngai tih an sawi a ni.

MZP chuan remna leh muanna ti thuanawp zawng leh buaina ti punlun zawng a Meitei te hmalakna hi titawp nghal turin a ngen an ti a. Rawng taka an hmalakna hi tunlai khawvelah eng hnam leh ram mahin an pawm theihloh thil a nih avangin, India ram hmel pawh a ti bal takzet a. Heng pawlte chu a rang thei ang bera tudai turin Central sawrkar pawh MZP chuan a ngen a ni a ti.

Tan bik nei lova, ban phar tur a ngaih CPRF-te chet dan chuan CRPF leh Manipur sawrkar bakah India hmel a tibalin a ti mualpho hle a ti bawk.

ZORO chuan hetiang thil thleng a awm leh anih chuan Zohnahthlak te pui turin an penchhuak dawn tih thuchhuah siamin an sawi bawk a ni.



#### **KOLASIB PMEGP**

Kolasib District-a District Level Monitoring Committee on PMEGP chu an Chairman Robert C. Lalhmangaiha, DC Kolasib hovin, Deputy Commissioner Office Chamber-ah nimin khan an thukhawm a.

He thutkhawmah hian Member Secretary Pu. C Lalthangkima District Commerce & Industry Officer chuan tun kum kal meka PMEGP dinhmun tarlangin, PMEGP dilna 54 lai dawn a nih tawh thu leh heng te hi bank lamah thawn vek a nih tawh thu sawiin, vawiin thlengin Project 26 chu sanction a ni tawh tih a sawi.

Hei bakah hian Kolasib district chhunga Bank hrang hrang ten PMEGP an kalpui dan sawiin, Pu PC Lalnunpuia, Lead District Manager, Kolasib Dist. chuan PMEGP hi Central Scheme a nih angin, State in target a neih atangin district hrang hrang te chu target pek an nih thin thu a sawi a. Kumin atana Kolasib district target an pek chu Project 85 a nih thu leh Margin Money cheng nuai 94.35 a nih thu a sawi.

He meeting ah hian PMEGP margin money chu Central Funding a nih avangin Bank lamin target an phak loh chuan, margin money atana allotment sum te hi a lapse leh mai dawn a. Chuvangin he scheme hi mi tam zawkin an hriat theih nan tan lak a ngaih thu te sawi niin, hemi atan nasa zawka awareness neih a pawimawh thu te leh awareness neih dan tur te sawiho nghal a ni a. Tun dinhmunah PMEGP la tu te hian a tlangpuiin an loan lak an rul tha thawkhat nia an hriat thu bank hrang hrang aiawhte chuan an sawi.

Kolasiba PMEGP thutkhawmna ah hian District Industry Centre Officer (DICO) bakah Kolasib Lead Bank Manager, NABARB Manager leh Allied Department Official-te an tel a ni.



#### **AIR NEWS ON SOCIAL MEDIA**

Chanchinthar hi Akashvani Aizawl atanga puan a ni a. AIR News Aizawl Youtube Channel, All India Radio News Aizawl Facebook page leh newsonair.gov.in ah te chanchinthar hi ngaihtlak leh chhiar theih a dah a ni.



#### **JHARKHAND**

Tukin dar 7 atang khan Jharkhand Assembly inthlan thawhkhatna atan Assembly bial 43-ah vote thlak a ni a. Venhimna khauh taka kalpui a ni. Inthlan thawhkhatnaah hian voter

vaibelchhe khat leh nuai 37 chuangin candidate 683 te dinhmun an tichiang dawn a. Candidate zingah hian 73 chu hmeichhia an ni.

VC

Inthlan thawhnhina hi tun thla ni 20 ah Assembly bial 38 ah neih a ni leh dawn a. Vote hi tla te hi tun thla ni 23 ah chhiar a ni ang. Jharkhand Chief Electoral Officer K.Ravi Kumar chuan inthlan puan anih atanga dan phalloh sum leh bungrua an man tawh hi cheng vaibelchhe 179 hu a ting tawh a ti a.

◇◇◇◇

### **BY-ELECTION**

Vawiin vek hian Assembly bial 33 leh Wayanad Lok Sabha By-election vote thlak a ni bawk.

By-election neihna Assembly bialte hi Rajasthan ah pasarih, West Bengal-ah paruk, Assam ah panga, Bihar ah pali, Karnataka ah pathum leh Madhya Pradesh leh Sikkim ah pahnih ve ve a ni a. Kerala, Chhatisgarh, Gujarat leh Meghalaya-ah te seat khat theuhah inthlan bawk ang.

Hei bakah hian Lok Sabha bial ngaihven hlawh Kerala-a Wayanad bialah inthlan neih a ni bawk ang.

◇◇◇◇

### **CISF**

Union Home Ministry chuan hmeichhe hlang awmna tur CISF Women battalion dinna tur a pawm. Ram venhimna kawngah hmeichhiate an tel ve na tur leh an dinhmun chawikanna turin sawrkar laipui chuan thutlukna a siam a. CISF din cham vawi 53-naa Union Home Minister Amit Shah-a rawtna anga hmalak a ni a. CISF Headquarters chuan battalion thar din tur hian ruahmanna hrang hrang a siam chho mek a ni.

◇◇◇◇